

Ambasador Lawrence Edward Butler preuzima dužnost prvog zamjenika visokog predstavnika

Visoki predstavnik Paddy Ashdown danas je uputio najljepše želje ambasadoru Larryju Butleru (Larry Batler), koji u ponedjeljak preuzima dužnost prvog zamjenika visokog predstavnika.

Novi prvi zamjenik visokog predstavnika stekao je veliko iskustvo u jugoistočnoj Evropi. Od aprila 2002. godine bio je ambasador Sjedinjenih Američkih Država u Skoplju. Prijašnje službe u američkim ambasadama uključuju Sofiju i Beograd (gdje je radio na pregovorima koji su doveli do Dejtonskog mirovnog sporazuma). Pored toga, ambasador Butler je 1993. godine radio za OSCE na Kosovu.,.

Ambasador Butler je ušao u diplomatsku službu Sjedinjenih Američkih Država 1976. godine. Od 1997. do 1999. bio je direktor za evropske poslove u Vijeću za nacionalnu sigurnost Bijele kuće. U tom svojstvu bio je odgovoran za predsjednikovo učestvovanje u postizanju mirovnog sporazuma u Sjevernoj Irskoj 1998. godine, kada je nakon desetljeća sukoba postignut široko podržan dogovor o ustavnim pitanjima.

Ambasador Butler je studirao na Bowdoin koledžu u Mejnu, Univerzitetu Mičigena i Woodrow Wilson školi za javne i međunarodne odnose Princeton univerziteta. Oženjen je i ima jednog sina.

Ambasador Butler je licencirani hokejaški sudija.